

# Hylli i Dritës

*Ubi Spiritus Domini, ibi libertas.*

(-II ad Cor. III, 17-)

---

1. Punët Botore në Shqypni.	Fq. 285
2. Shqyptarët e hartet.	339
3. Kleri para historis komtare.	345
4. Lidhja e Prizrendit.	325
5. Dimitër Kamarda. 1821 — 1921	356
6. Kanûni i Lekë Dukagjinit	361
7. Lajme.	370
8. Bibljografi.	376



# HYLLI I DRITËS

Vjeta II.

DHETUER 1921

Nurr. VIII.

## Punët Botore në Shqypni.

*Kush punon, gzon.*

Populli

Shkelqesa e Tij Ministri i tashem i Punvet Botore, Z. Zia Dibra, na lutet miqasisht, me nji leter të dergueme redakcionit t'onë, qi na, tuj mârre para sÿsh kohen, mnorjet e gjêjen financjare të Shtetit, t'apim mendimin t'onë mbi veper të zhdrivillueme dër sod prej Ministerit të P. Botore: mbi punë, qi mbas mendimit t'onë, kishte me u lypë t'u kryejshin tash mâ s'parit, edhë mbi veprim të zyrtarvet t'atij dikasteri.

Qe nji Minister, mentaliteti i të cillit shifet se ndryshon prej atij të Ministravet të Turkis e sidomos të Zhoën-Turqvet. Ky, tuj e dijtë, se shtypi âsht syni i Qeveris, jo vetëm nuk do me u hikë kritikave të fletorevet e të perkohshmevet të vendit, mu mâ teper lutet, qi, permbrenda caqevet t'arsyes e të serjozitetit, të peshohet e të kritikohet vepra e tij, si Minister, si edhë vepra e npunsavet të Ministerit, të kryesuem prej si. Ky hap i Shkelqesës s'Tij na ep uzdajë të plotë, se tash e mbrapa vepra e Ministerit të P. Botore kà me u zhdrivillue per s'marit e si e lypë nevoja e vendit. Fjala as mojt as darsëm s'bân, thotë populli i jonë: prandej kritikave të shtypit u tutet vetëm njaj, qi kà ndonji pergjegjisi m'ndergjegje të vet. — Filozofi rromak, Seneka, thotë, se nieri nuk do t'idhnohet kurr per kritika të tjervet; pse, po kje qi kritikant janë të temelueme mbi të vertetë, atëherë na, jo veç se nuk do t'idhnohëna, por mâ teper do t'ja u dijmë per nderë atyne qi na kritikojnë: pse kshtû kemi rasë me qortue vedin; per kundra, po kje qi kritikant janë të pa temel, prap në nuk do të na vije keq, pse ato nuk flasin per punë t'onâ.

